

EMANA MOSES — INI UYEN ESIE KE EGYPT

Exodus 2:1-25

QYQHỌ UKPEP-ÑKPỌ 46

Eke Mkparawa

IKỌ IBUOT: “Oto mbuotidem ete ye eka Moses edip enye ke ofiọn ita ke ini enye amanade”
(Mme Hebrew 11:23).

Ndimek Ikọt Abasi

Ediwak isua ema ebe tọnọ nte Joseph akakpa. Pharaoh emi ọkọfonde ido ye nditọ Israel ama onyūn akpa, ndien obufa edidem ama efre ete ke eyen Jew kiet ama afak nditọ Egypt osio ke unana udia. Nnyin imekere ite ke mmọ ema esọp ndifre ñkpọ, edi edieke nnyin isede edem, ke ayakde ñkpọ nte isua ikie iba ndisim ini emi ekeñwanade akwa ekọn ke idut America, nnyin imokut ite ke nnyin itimke iwut inem ke abañna mme ñkpọ emi okotibede ke ini oro.

Edi nnyin imeti ite ke ini ufọk Jacob ekekade Egypt, mmọ ekedi owo 70 (66 ekekpọn Canaan, dian Joseph ye ñwan esie ye nditọ iren esie iba enam owo 70). Edi ke ediwak isua ikie emi mmọ ekeduñde do, ibat mmọ ama otọt tutu edidem Egypt efehe ndik ete ke mmọ eyekabare esọn odudu ekan nditọ Egypt, eyenyūn ekabare ekara mmọ. Enye ama anam mmọ enam ọkpọsọn utom, onyūn odori enyin ete ke ufik eyenam mmọ esuhọ nte ifin. Edi mmọ ekedi ndimek ikọt Abasi; ndien toto ke eritọnọ nnyin imokut ite ke ufen Abasi kpukpru ini esitiene mme idut emi esidiokde ye nditọ Israel. Akana nte nditọ Egypt ebọ ufen koro mmọ ekedi ndiqi etubom utom emi ekenyikde nditọ Israel ebọp mme obio, enyūn enam ọkpọsọn utom ke mme iñwañ, ke akpatre ete enam mme brick ke minọhọ mmọ nnyanyaña ndida nnam.

Ikọ Abasi ọdọhọ ete Abasi okop mmum mmọ nte mmọ ekutde ukut ke ubọk mme idiok ekpeme ifin, Enye onyūn ọdọn andifak ọnọ mmọ. Kpa ye oro, akana nte mmọ ebet ke anyan ini mbemiso eyak mmọ ebọhọ.

Ewuho Edidem

Akakan ukut emi okosimde nditọ Israel ekedi ndisobo kpukpru nsek nditọ iren mmọ. Kere nte eketiede ye mme ete ye eka nsek nditọ emi ke idem ke ini mbon-ekọn edukde ufọk mmọ enyūn ebode nditọ iren mmọ etop esin ke inyañ! Nditọ Egypt ekekere ete ke edinam ntem eyesuhọre ibat nditọ Israel.

Ke ini Moses akamanade, eka esie ama okut ete ke enye edi utibe eyen, onyūn odip enye ke ofiọn ita. Ndusuk ke edinam ntem, enye ama esin uwem esie ke afanikọn, edi ye ima eka eyen, enye ama enyene mbuotidem ke Abasi ete ke eyen imọ enyene utom ndinam nnọ Ọbọn, ke ntre imọ imemek ndiyat edidem esit ñkan ndiyat Abasi.

Akpasa Ñkukip

Ke ini eyen emi okosimde ofiọn ita, owo ikekemeke ndidip enye aba, ntre ke eka esie akanam akpasa ñkukip onyūn ada itai eyet man mmọn okuduk esit. Enye ama emen Moses esin ke esit onyūn emen akpasa okonim ke mben akpa. Ndusuk enye ama ọbọn akam eti eti mbemiso enye ayak utibe eyen esie esin Abasi ke ubọk. Abasi ikpọn ekekeme ndikpeme enye idaha oro.

Miriam, eyen-eka Moses akada ke mben akpa ekpeme ete ise se iditibede ye ekpri ubom emi akanade ikpọn. Nso ikpetibe edieke owo-ekọn Egypt okpokutde enye? Edi ubọk Abasi ama ekpeme owo Esie, ndien Enye ama anam adiaha Pharaoh ye nditọ iban esie eka uyere ke ebiet emi akpasa Moses ọkọfiqrọde. Ke ini enye okokutde akpasa emi, enye ama ọdọn ofin añwan esie ekemen enye ọsọk imọ; ndien ke ini okubọrede, enye okut Moses nte atuade, enye ama enye. Enye ama ofiok ete enye ekedi kiet ke otu nditọ emi akanade nte ewot, edi eyen eren emi ama eye eti-eti tutu enye oyom ndida enye nnyene.

Adiaha Pharaoh ama oyom edep eyen emi, ndien Miriam ama odu do nditiñ nnọ mmọ mbaña eka Moses. Se utibe usuñ eke Abasi anamde ñkpọ edieke iyakde ñkpọ isin Enye ke Ubọk. Idighe inemesit ikpọn ke eka Moses ekenyene ke ndibọk eyen esie edi ema ekpe enye utip ñko.

Se Moses Ekemekde

Ke ini Moses ama okokpon, enye ama okoduñ ke okure edidem, ebiet emi enye ọkọbode kpukpru ukpep-ñkpọ Egypt. Mme ọdọk isọn nyom ñkpọ eset ema edọk isọn enyūn ekut mme ñkpọ emi okowutde akwa ntat-enyin emi okodude ke ini oro, emi Moses ñko ekenyenede. Nditọ Egypt ema ekpono ediwak isen abasi, ndien okposuk edi ekekpepde Moses esen ifiok mme oku ndem, enye okosuk ada ọnọ ata Abasi; ndien ke ini enye ama okokpon, enye ekemek “ndibiom ukut ye ikọt Abasi, akan ndidia inemesit idiok-ñkpọ ke ekpri ini: enye onyūn abat esuene Christ nte inyene eke okponde akan ñkpọ uto Egypt: koro enye owukde enyin ese utip eke edinode

enye” (Mme Hebrew 11:25, 26). Enye ama emek ndinem Abasi esit akan ndinem idemesie; nko, enye ama ofiok ete ke utip eke Abasi edinode enye eyekpon akan sededi emi edidem okponode enye.

Mme Etubom Mbon Utom

Usen kiet, enye akaka ndise ndito Hebrew ndien enye ama okut nte mmọ enamde okposon utom. Enye ama okop mbom nte mmọ ebode ufen ntre, ndien enye ama oyom ndinwam mmọ. Ini Abasi ikekemke kana, ndien Moses ama oduk ke afanikon ke ndibem Spirit Abasi iso. Idiok etubom Egypt kiet ama amia eyen Israel, do ke Moses ekedi ndinwam enye, onyuan owot eyen Egypt oro. Enye ama otim ofiok ete baba owo kiet ikekwe se imọ inamde oro, ndien enye ama odip okpo esie ke ntan.

Edi, ke edem usen, nte enye akanwanade ndisin emem ke ufot ndito Hebrew iba emi eketohode, kiet ama odohọ enye ete “Anie odori fi. . . ebieren-ikpe ke otu nnyin?” Mmọ ema enam Moses ofiok ete ke mmimọ ima ifiok idiok-nkpọ emi enye akanamde mkpon. Ndusuk ini, mmọ ekekere ete enye edi eyen Egypt, ke ebede oro, edieke mmọ ekpefiokde ete enye ekedi eyen mmọ, mmọ ekpefube enye koro enye okokoride ke itie eduek ke ini mmọ ebode ufen nte ifin. Se ekededi ntak, mmọ ikoyomke Moses eteme mmọ se ekpenamde.

Abasi ama otim aduak ndida Moses mfak ikot Esie, edi ini ikekemke kana; ndien nnyin ikut ite Moses ikenyeneke baba udori kiet ke ndibem Abasi iso ke ndiyom ndida unwam nsok ndito Israel ke odudu esie. Abasi isopke ndinam nkpọ kpukpru ini nte nnyin ikerede, edi usuan Esie okon akan usuan nnyin, ntre nnyin imekeme ndibuot idem ke Enye ndinam se ifonde ima, ke edikem ini.

Ke esiode edida iyaresit ndito Israel nno idemesie, Moses nko ama efehe ifuresit Pharaoh, emi okoyomde ndino enye ufen, ke ntre enye ama efehe aka Midian ebiet emi enye okoduode ke isua aba.

MME MBUME

- 1 Didie ke Pharaoh okoyom ndisuhode ibat ndito Israel?
- 2 Nso ke nwed Mme Hebrew etin abana edidip Moses ke ofion ita?
- 3 Anie akada ekpere ekpeme ke ini ekedipde Moses ke ekpri akpasa?
- 4 Nte Abasi ama okut akwa ufik emi ekenode ndito Israel?
- 5 Nte Moses ama emek ndisuhọ ye ikot mmọ nkan ndinyene mme ufon ison Egypt emi ekenode enye?